



Comité de Regulación da Escalada en Faro Budiño

O proceso da creación e a formación deste Comité

Na reunión de escaladores celebrada en Vigo o **25 de outubro de 2007**, entre representantes da FGM (4), dos Clubs (7) e dos escaladores (6), **formouse o Comité de Regulación da Escalada en Faro Budiño**.

A necesidade dunha Regulación da escalada en Budiño xa ven de fai uns anos, pero no 2007 un grupo de escaladores presentou na FGM unha proposta de “reequipación e acondicionamento das Vías clásicas de Faro Budiño”, que demos en chamar “Proposta”. Ante a polémica que suscitou, a FGM e de acordo cos promotores da Proposta, convocou unha reunión para debater a situación e intentar consensuar uns criterios básicos para a conservación das vías de escalada. A esta reunión que celebrouse o 11 de maio de 2007, asistiron representantes da Proposta, de Clubs, da FGM e EGAM, así como todos os particulares interesados, xa que era de libre asistencia; do falado hai un documento que recolle extensamente as distintas opinións expresadas (este documento e outros relativos a este asunto pódense consultar na web da FGM). Dende a celebración da reunión de maio, ata setembro, non se efectuou ningunha actuación nas vías existentes en Faro Budiño, á espera dunha negociación do conflito. Tras conversacións posteriores sen acordo, decidiuse que a vía correcta é o Comité como así quedou patente na reunión do 11 de maio, onde a opinión maioritaria foi que un Comité pode ser o mellor instrumento para acadar unha solución ao conflito actual e contribuír a ter unha boa organización e regulación da escalada en Budiño.

Por elo, a FGM decidiu o 2 de outubro a **creación do Comité** e coa intención de acadar un amplo consenso na súa formación, funcións e toma de decisións, convocou a reunión do 25 de outubro, á que **asistiron**, entre os convocados previamente, os seguintes:

- a) Pola FGM:
 - Director da Escola Galega de Alta Montaña (EGAM) e dous membros do seu Comité Técnico
 - Vogal de Infraestructuras e Equipamentos de Escalada da FGM.
- b) Representantes dos seguintes clubs:
 - Club Montañeiros Celtas
 - Club Peña Trevinca – M.G.
 - Club de Montaña Serra do Suído
 - Club Montañeiros de Pontevedra
 - Clube de Montaña e Escalada Acimut
 - Club de Montaña Niño do Corvo
 - Grupo de Montaña Alud.
- c) Polos Escaladores:
 - 4 Representantes dos promotores da Proposta
 - 2 escaladores invitados pola súa experiencia e coñecemento de Faro Budiño.
- d) Exerceu como coordinador da reunión o Director Técnico da FGM.



FEDERACIÓN GALEGA DE MONTAÑISMO

Rúa Fotógrafo Luis Ksado 17, of. 10
Teléf. 986 20 87 58 – Fax 986 20 74 07
36209 VIGO

Do exposto na reunión pódense obter as seguintes **conclusións**:

1º.- Criterios básicos do Comité:

- 1.- Garantir a seguridade das vías.
- 2.- Velar por todos os estilos de escalada presentes.
- 3.- Respetar certo carácter histórico dalgunhas vías.
- 4.- As decisións técnicas as deben de tomar persoal federativo cualificado.

2º.- Funcións do Comité:

- 1.- Establecer un Decálogo de obxectivos, para que o Comité goce de certa confianza dos escaladores.
- 2.- Establecer un Criterio de actuación.
- 3.- Ter un vínculo directo coa FGM se os membros non forman parte dos seus órganos, co fin de dar maior seriedade e credibilidade.
- 4.- Establecer o seu funcionamento interno.
- 5.- Creación dun informe do estado actual das “vías clásicas” de Faro de Budiño, o contido do seu equipamento, estado de limpeza e outras observacións.
- 6.- Regulación de calquera acción que se pretenda levar a cabo nesas vías, equipamentos e requipamentos; de cara a manter a personalidade de cada vía cun criterio respectuoso de cara ao seu mantemento, segundo a súa historia, evolución e posibilidades.
- 7.- Estudiar as propostas que se presenten e decidir a súa viabilidade. Con esta idea, se un escalador ten intención de recuperar unha vía e os seus equipamentos, ten que presentar un proxecto explicativo coas accións que se pretenden realizar, e disporá de asesoramento técnico federativo se o Comité decide que o proxecto é viable.
- 8.- Evitar situacións de abandono das vías existentes.
- 9.- Decidir como actuar ante vías novas.
- 10.- Resolver aspectos como financiación das actuacións, quen farán os traballos necesarios de mantemento...
- 11.- Decidir outras funcións do Comité.

3º.- Toma de decisións.

Falouse de someter as decisións do Comité a un período de alegacións, pero que isto sería entrar en posibles bailes de alegacións e contraalegacións que non beneficiarían en nada o proceso, ademais restaríase confianza nas decisións do Comité. Establécese por tanto que as decisións do Comité serán inapelables.

4º.- Control ao Comité.

Establécese que a substitución de membros da actual composición pode ser solicitada por calquera dos membros da Asemblea Xeral da FGM (deportistas, técnicos, xuíces e Clubs), na súa reunión anual ordinaria, sendo esta Asemblea quen tomará a decisión correspondente. Ao inicio de cada período de mandato ao fronte da FGM (eleccións cada 4 anos), efectuarase unha nova convocatoria para a renovación dos membros do Comité.



FEDERACIÓN GALEGA DE MONTAÑISMO

Rúa Fotógrafo Luis Ksado 17, of. 10
Teléf. 986 20 87 58 – Fax 986 20 74 07
36209 VIGO

Para a designación dos **membros** do Comité, relacionáronse como axeitadas as seguintes pautas: que estean representadas as distintas disciplinas de escalada presentes en Faro Budiño; que haxa variedade de opinións; que os seus membros teñan experiencia en Faro Budiño, con capacidade de xuízo e sexan escaladores “en activo”(conveniente que coñezan as tendencias noutras zonas de escalada, para ter en conta como solucionan os problemas noutros sitios); que o número de membros fose de 6 e que todos os membros deben estar federados, por ser un Comité federativo.

Na busca deses 6 membros, os presentes na reunión foron propoñendo nomes, e despois do autodescarte de varios deles (por non querer pertencer ao Comité), chegouse a unha lista con 9 nomes. Para a elección dos membros do Comité, cada un dos relacionados na lista de asistentes, podía votar ata un máximo de 6 persoas de entre os 9 da lista. Como resultado da votación foron **elixidos** 7 membros, xa que houbo un empate no número de votos para a sexta praza, sendo os seguintes:

- **Luis Solla**
- **Amalia Carril**
- **Carlos Mariño**
- **Miguel Seoane**
- **José Antonio Villar**
- **Gustavo Vázquez**
- **José Juan Domínguez**

Na primeira reunión do Comité decidiron seguir manténdose como membros os sete elixidos.

O apoio de todos os escaladores, especialmente dos locais, aos membros do Comité na súa labor e o respecto as decisións que se tomen é fundamental para acadar uns obxectivos en beneficio dos escaladores, do deporte da escalada en todos os seus estilos e dunha das mellores zonas de escalada de Galicia, Faro Budiño.

Vigo, 14 de decembro de 2007

Asdo. Sechu López
Director Técnico FGM